

# 馬可福音講的 謙卑

馬可福音 chit 个老爸，現現是咱做基督徒的「說明書」，或者是「操作手冊」。

文、圖 | Chiòh Bók-bîn (石牧民) / 國立臺灣師範大學兼任助理教授，知罪難改基督徒

著 ài 照主所教示--的去做--oh!

## 我有信

馬可福音第九章內底，有一个做 lāng 老爸的 lāng，求耶穌救伊犯著鬼的後生。主耶穌吩咐伊，著 ài 有信。彼个老爸 liām-mi 大聲hoah 講：「我有信；我的信心若無夠，求祢著幫贊我。」（可九24）

Chit 个老爸，確實是新約聖經的記載內底，代先顯然講出「基督徒」的款式的 lāng。而且，伊所講的，會使講深入到怎樣「做」基督徒的層次。

## 靠主的幫贊

咱知影，耶穌基督 bat 教示咱，做伊的門徒著 ài 彼此相疼，嘛著 ài 疼厝邊親像疼家己。總--是，怎樣做會到？馬可福音內底 chit 个老爸予咱啟示：「論真，咱不時著 ài 知，咱做

袂到；上無，嘛 ài 有心理準備，咱時常做無到。」對 án-ne，顛倒是不時咧提醒咱家己：「著 ài 照主所教示--的去做--oh！」有時陣，竟然做有到，咱嘛著 ài 認 bat 家己無功勞，一切是靠主耶穌基督聖神的幫贊。對 án-ne，咱進一步做到主的教示，咱家己攏無通誇口，kan-na 靠主來誇口，歸榮光上帝。

## Khí<sup>n</sup>-tiâu 上帝

馬可福音 chit 个老爸，現現是咱做基督徒的「說明書」，或者是「操作手冊」。彼此相疼、疼厝邊若疼家己，遮--的攏「理論」。而且，攏是真 oh 成的理論。不而過，咱的主仔馬可福音留一个教咱案怎去做的 cháng-thâu：咱著 ài khí<sup>n</sup>-tiâu 上帝，用「我做袂到」chit 款認 bat 來予家己做 kah 到的意願 kap 法度。☺